



Broj: 09-20/1-14-2-520

Datum: 21.06.2019. godine

Na osnovu člana 217. Zakona o upravnom postupku („Službene novine FBiH“, br. 2/98 i 48/99) i člana 43. Zakona o unutrašnjim poslovima Federacije BiH („Službene novine FBiH“ broj:81/14) u pregovaračkom postupku javne nabavke Servis helikoptera BELL 206B sa ugradnjom rezervnih dijelova, potrošnog materijala, T-T strapova i pleksi stakla - LOT 2 - Nabavka rezervnih dijelova i potrošnog materijala i T-T strapova za helikopter BEL 206B, zamjenik direktora Federalne uprave policije d o n o s i:

### ZAKLJUČAK

o ispravci greške

I

U Odluci o izboru najpovoljnijeg ponuđača u pregovaračkom postupku javne nabavke Servis helikoptera BELL 206B sa ugradnjom rezervnih dijelova, potrošnog materijala, T-T strapova i pleksi stakla - LOT 2 - Nabavka rezervnih dijelova i potrošnog materijala i T-T strapova za helikopter BEL 206B, broj 09-20/1-14-2-520 od 28.05.2019. godine (u daljem tekstu: Odluka) ispravljaju se slijedeće greške u pisanju:

- a) U članu 3. Odluke iznos „19.997,00 KM bez PDV-a“ zamjenjuje se iznosom „19.495,00 KM bez PDV-a“ i iznos „23.396,49 KM sa PDV-om“ zamjenjuje se iznosom „22.809,15 KM sa PDV-om“,
- b) U obrazloženju Odluke, iznos „19.997,00 KM bz PDV-a“ zamjenjuje se iznosom „19.495,00 KM bez PDV-a“ i iznos „23.396,49 KM sa PDV-om“ zamjenjuje se iznosom „22.809,15 KM sa PDV-om“.

II

Ovaj zaključak će se dostaviti svim ponuđačima koji su učestvovali u postupku javne nabavke, te će se objaviti na internet stranici ugovornog organa.

III

Ovaj zaključak se prilaže uz izvornu Odluku koja se ispravlja i čini njen sastavni dio.

### O b r a z l o ž e n j e

U pregovaračkom postupku javne nabavke Servis helikoptera BELL 206B sa ugradnjom rezervnih dijelova, potrošnog materijala, T-T strapova i pleksi stakla - LOT 2 - Nabavka rezervnih dijelova i potrošnog materijala i T-T strapova za helikopter BEL 206B, zamjenik direktora Federalne uprave policije donio je Odluku o izboru najpovoljnijeg ponuđača za LOT 2 - Nabavka rezervnih dijelova i potrošnog materijala i T-T strapova za helikopter BEL 206B, broj 09-20/1-14-2-520 od 28.05.2019. godine.

Uvidom u službenu evidenciju ovog organa i kompletnu dokumentaciju koja se odnosi na predmetnu nabavku, utvrđeno je:

- da je došlo do pogreške u pisanju iznosa cijene ponude prvoplasiranog ponuđača kako bez PDV-a, tako i sa PDV-om,
- da je članom 217. Zakona o upravnom postupku propisano da organ koji je donio rješenje može u svako doba da ispravi greške u imenima ili brojevima, pisanju ili računanju, da ispravka greške proizvodi pravni učinak od dana od kojeg je pravni učinak proizvodi rješenje koje se ispravlja, te da se o ispravci donosi poseban zaključak koji se prilaže izvorniku rješenja i čini njegov sastavni dio,
- da u konkretnom slučaju akt koji se ispravlja ima naziv „Odluka“, ali da ima sva obilježja rješenja u upravnom postupku, budući da je njime rješena stvar koja je predmet postupka (član 200. Zakona o upravnom postupku), te ima oblik i sastavne dijelove rješenja propisane članom 204. Zakona o upravnom postupku (naziv organa, broj i datum, uvod, dispozitiv, obrazloženje, uputstvo o pravnom lijeku, potpis ovlaštene osobe i pečat organa).

Na osnovu naprijed navedenog, a primjenom člana 217. stav (2) Zakona o upravnom postupku („Službene novine FBiH“, br. 2/98 i 48/99), odlučeno je kao u dispozitivu ovog Zaključka.

#### ***Pouka o pravnom lijeku***

*Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.*

Dostaviti:

- Sektoru za mat-fin poslove
- ponuđačima
- u spis

ZAMJENIK DIREKTORA  
GENERALNI INSPEKTOR POLICIJE

Ensad Korman